

新繁縣鄉土志卷二

名宦政績錄

新繁最爾邑也建置既後文獻足徵者曰名宦善政於宋得王益程之邵沈尚予安丙於明得胡壽安劉體仁陳祖孫思述張志和李聞馨牛維驛李知縣胡知縣周知縣梁聖鄉於

國朝得張人瑞姚永煦歐陽方曜王霖鄭方城彭尊采李義高上柱曹嗣音程祖潤趙幾志秀程祥棟錢劉選吳齊源陳錫鬯三十一人焉

舊志稱衛常章武中為新繁令唐李德裕為新繁令

鄉新繁縣志

卷二

一

事皆無稽

詳古蹟訂論

故循良政績之確在本境者斷自

宋以為憑

宋

王

益

字損之荆公父祥符八年進士以殿中丞為新繁縣令

宋樊汝霖三賢堂記稱益始至有犯法者鄉所素嫉也公條其奸上府流惡處自後待人一以恩信訖去更不答一人通志稱益修學校禮師儒

程之邵

字慈叔眉州人父蔭為新繁主簿

以爭募役常平法紓民力事具宋史本傳

沈尚予

字居中金堂人建炎二年進士以左奉議郎知新繁縣

樊汝霖三賢堂記稱卣子清慎疆敏嘗修學宮及縣南門剏三賢堂祀先賢以善風化徵科以時庭無留訟逾歲繁人安之惟恐其去

安

丙

字子文廣安人淳熙間進士知新繁縣

宋史有傳

明

胡壽安

黟縣人永樂時為新繁令

通志稱壽安清儉絕倫重農事省工役催科鞠訟不事鞭笞人自輸服藝蔬自食任滿後惟書籍數篋

劉體仁

字元卿昆明舉人嘉靖中知新繁縣人

新繁縣鄉土志

卷一

二

通志稱體仁作隄灌口以溉民田改砌磚城鄰縣每有疑獄輒委決無不立服者自奉澹泊民以劉青菜目之

陳

祖

長樂人洪武間為新繁丞

舊志稱民婦有告蛇吞其孤者祖移牒限日捕蛇至期羣蛇集庭下判曰無罪者退吞人者償一大蛇俯首伏劍云

孫思述

晉安舉人知新繁縣

通志稱思述吏民畏愛嘗計擒大盜屢決疑獄催科不擾民自樂輸

張志和

武陵人永樂間新繁教諭

通志稱志和誨人不倦邑之士子多賴培養

李聞馨

昆陽人萬歷間為新繁令

通志稱聞馨精於吏事履畝清丈闔邑稱平

牛維驛

字用字奇州人萬歷間為新繁令

學宮橋路記稱維驛庭無滯訟尤致謹庠序之教廣

學田課士業修橋道建奎樓

李

闕名

舊志官題名表縣北境苦旱公至始引清白江水築

堰灌田

新繁縣鄉土志

卷二

三

胡

闕名

舊志職官題名表踵李令修堰水道經民田捐貲倍
償之始垂成

周

闕名

舊志職官題名表繼胡令捐米修堰大工始成

梁

闕名滇人字碧邈由進士知新繁縣

舊志職官題名表知縣事值堰工告成均水道之糧
禁水碾之害立石清流場以垂永久俗號萬工碑

皇朝

張人瑞

奉天遼陽州舉人康熙三年新繁知縣

設縣之初修學宮立縣署凡修建多所經始

姚永煦直隸宣化舉人康熙二十四年知新繁縣

舊志稱永煦令繁時蜀中大亂劫平民氣未復永煦力行惠政閭里復完邑人懷之

歐陽方曜雲南縣舉人康熙十八年知新繁縣

舊志稱方曜愛民如子教養兼施捐修

聖廟建名宦鄉賢祠公餘與諸生講學論文自是新繁文學興起遂為望邑後擢水部郎解組歸道繁繁人牽衣請留方曜亦不忍舍去遂家焉所居地今入彭縣

王霖上元人由進士雍正二年知新繁縣

舊志稱霖公廉寬恕聽斷盡情服官四載緼袍蔬食猶儒素風

鄭方城字石幢閬縣人雍正二年知新繁縣

舊志稱方城履任之初即勸民積社穀以濟匱乏歷三載共積一千七百餘石倉貯於四村庵觀每歲青黃不接以贍貧民咸賴之又培修常平倉廩以廣積貯復募建西關外義和橋以惠行人常作文會案牘之暇課諸生業講論不倦蓋以文章兼吏治雅有兩漢循吏之風焉

彭華采字一隸河南人乾隆十年知新繁縣

舊志稱萼采清廉仁愛以德化民凡聽訟既辨曲直
卽以族黨情誼開道至緝獲盜賊亦動以天良不專
事以鞭扑在任數年獄訟衰息盜賊潛跡時

朝廷申討小金川札派火藥軍米轉輸不絕特捐廉俸以
紓民力在任凡六年民懷其德

李

莪

字季香陝西人乾隆進士
乾隆十一年知新繁縣

舊志稱莪性剛直不可干以私民有獄訟立爲讞決
捐廉創建繁江書院延師訓課齋舍爲滿文風稱盛
焉

高上桂

字月峯雲南人乾隆進士
三十一年知新繁縣

舊志稱上桂爲政廉明聽訟反復窮詰務得其情奸
民斂迹時用兵兩金川軍務倥傯悉心運轉糧餉民
以不擾嗣後修築城垣捐俸爲士民先輿情踴躍年
餘落成城垣特稱鞏固焉

曹嗣音

字雪峯安徽舉人道光
十二年知新繁縣

縣志稱嗣音治尙慈良繁邑向無試院試士時文章
自負棹筦甚勞苦嗣音集紳捐修至今稱便

程祖潤

字雨琴江蘇人入河南籍道光
三十年知新繁縣

縣志稱祖潤廉明有聲吏民畏服平居不與官親談
案牘尤重學校增書院束修立師課獎賞興詩賦刻

文藝設義學十四開考棚招生童肄業其中縣屬養濟院口食有定限公以推廣之道旁設丐棚護送行旅安置孤貧弭防竊盜爲一舉三善之計後任成綿道咸豐十年奉

旨入名宦祠

趙

燧

字次巖福建舉人道光時知新繁縣

縣志稱燧嚴緝盜賊除暴守良

志

秀

字實亭鎮白旗舉人咸豐時知新繁縣

縣志稱秀藍逆之變籌辨防堵晝夜罔懈民賴以安

程祥棟

字曉崧泰州人咸豐十年知新繁縣

縣志稱祥棟初下車補城防培學校李逆之變日夜

籌畫添設月城敵樓礮臺守衛甚備十一年彭縣通

山會匪猖獗兵勇由縣來往絡繹不絕頗驕橫祥棟

一一裁之以法卻之以情故終始無騷擾民得安堵

亂平後改修東湖亭臺池榭暇時與諸生文士數典

觴詠其中文酒風流至今繁人士思之祥棟天性奸

罵而性特慈祥有難民婦曾氏爲兵所掠訪得之遣

人報其夫久之不得養於署三年時時爲之憫惻後

夫至領去始已難民中小兒數十一一送還其家論

者以爲不啻衆人之母也

錢劉選

字少瞻直隸人同治戊辰知新繁縣

任滿去後新繁民沈姓為劫盜所誣引云住其家者數年舉其家事瑣屑竝悉證據確鑿眾知其冤而令如之何桎梏解省適公奉委發審廉如其冤訊時令沈薙髮於側若侍從而諭盜以沈某今在堂役班中令其自認盜不得已妄指一人為沈冤遂白闔邑感頌案公任繁時平靜不苛粥粥若無所表見者而縣志稱公事理通達心氣和平常述尊人之言曰凡民之得見官者多被蹂躪故案內之人多者輒勾去俾無累吁即此一言足知其存心仁恕為能實奉其先教其雪沈姓之冤有自也

新繁縣鄉土志

卷一

七

吳齊源

字貫棧湖南人同治時知新繁縣

縣志稱齊源約於自奉案無留贖指俸培修

聖廟時時巡查鄉學館師弟子鮮游惰焉

陳錫鬯

字洛君江西人光緒乙亥知新繁縣

任新繁時多惠政西關外錦水河泛漲漂沒廬舍修船督救拯溺甚多河壩一帶義塚數百竝為捐廉遷葬高處今清涼寺側繁民感其恩去任時祖餞者相屬於道為立清官亭道旁